
ПРЕЗИДЕНТИМИЗГА РАҲМАТ!

Ҳаётда кечиримли бўлиш, билиб-билмай қилинган хатога чин дилдан пушаймон бўлиш буларнинг барчаси инсоний фазилатга киради.

Ўзбекистон Республикаси Президентининг 2020 йил 4 февраль куни “Озодликдан маҳрум этиш жазосини ўтаётган, қилмишига чин кўнгилдан пушаймон бўлган ва тузалиш йўлига қатъий ўтган бир гуруҳ шахсларни авф этиш тўғрисида”ги Фармони қабул қилинган эди.

Фармонга мувофиқ авф этилган шахсларнинг 41 нафари жазони ўташдан муддатидан илгари шартли озод қилинди, 3 нафарига тайинланган жазо енгилроқ жазо билан алмаштирилди. Шунингдек, 14 нафар шахсга тайинланган озодликдан маҳрум этиш жазосининг муддатлари қисқартирилди. Авф этилганларнинг 2 нафари аёлларни ташкил этади. Улар орасида Фарғоналик 12 нафар юртдошларимиз ҳам бор.

Вилоят ҳокими ўринбосари Ж.Хатамов бошчилигида мутасадди ташкилотлар вакиллари уларнинг хонадонларига ташриф буюришди.

1974 йилда туғилган Рустамжон Ҳасанов оилада 9 нафар фарзанднинг кенжаси. Рустамжонни оила-аъзолари, қўни-қўшни, қариндош-уруғлар хурсандчилик билан кутиб олишди.

- Дадам укамни умрининг охириги кунларигача интизорлик билан кутди. Президентимизга мингдан минг раҳмат айтамиз. Жигаримиз соғ-саломат бағримизга қайтди. Энди тўй қиламиз, уни уйлантириш ҳаракатига тушамиз, - дейди Рустамжоннинг опаси Мавлудахон опа Мирзаева.

Марғилон шахрининг Бобур номли маҳалласида истиқомат қилувчи Содиқжон Ваҳобов ҳам Президентимизнинг авф этиш тўғрисидаги Фармони сабаб бугун ўз оиласига қайтди.

- Уч нафар қизим, 1 нафар ўғлим бор. Кўриб кўзим қувоняпти. Фарзандларим ўзидан кўпайишган, невараларим бор. Ҳечдан кўра кеч, дейишадику. Қўлимда қандолатчилик ҳунарим бор. Ўғлим билан шу ҳунаримни янада ривожлантириб, оиламга, юртимга фойда келтириш ниятидаман, - дейди С.Ваҳобов.

ҳамда фуқаролик паспортларини расмийлаштириш, яшаш ҳудудларидаги фаол шахслардан мураббийлар бириктириш каби қатор масалалар ўз ўрнида ҳал этилди.

Шунингдек, вилоят ҳокимлиги томонидан ҳар бир оилага моддий кўмак ҳам кўрсатилди.

Фарғона вилоят ҳокимлиги Ахборот хизмати

Facebook, Telegram, Веб сайт, YouTube

2020-02-07 17:01:05